



La Val se bat bun mo stënta a segné y recuperé le gol scinché.

Tla secunda partida de campionat incunta i ladins la squadra da Tasten. A chisc ti bastel en gol sú por la devènta, deperpo che La Val süga tröp dan porta aversara mo é püch dezisifs pro les contlujuns.

Bele ti prüms menüc de jüch manacia la formaziun ladina de jí in vantaje, Max se fej lerch da na pert y fej pié ia la trata cuntra porta che vëgn deviada dal verdaporta, Franz tla dërta posiziun pro ciamó de ciamp sön le pé lunch mo le un dl Tasten se destira ciamó n iade a paré.

I ladins anuzëia bun les ripartënzes por arjigné ca de beles crossades amez, chëstes indere intres massa lunges. Fora de n sarëgn, plö avisa al 19^a pëia ia na trata arlungiada dala defenjiun pustra, le defensur da La Val pro de antizipé le curan che ti sciampa indere sot le pé fora y ti rōia bel avisa al'atacant sōn le pé che à ma plö bria de tra cuntra porta a fa balé la rēi por le 1 a 0. Le Tasten ciafa insciö coraje y se fej prigorusc sōn les situaziuns standard, chilò mēss le portier Sepl se destrà plö iadi a desfanté le palé. La Val pro inant a chirì le pêr dan le pröm tēmp sēnza ti ester.

Le pröm temp se stlütj jö sōn le resultat de 1 a 0 por le Tasten.

Atira dal mēteman dla secunda pert pëia ia Max y preparëia amez por l'atacant Micky che pro la trata, indere massa debila y rōia insciö de püch dlungia porta ia. Püch do, al 55^a abina la trata de Max la stangia de porta. Al 65^a se fej le Tasten prigorusc sōn puniziun dal limit. La trata de prezijiun vëgn delota cun na gran parada de Sepl te ciantun. Le tēmp por recuperé le svantaje se fej tres plö cürt mo al gareta ciamó de gran ocajiuns. Al 75^a se fej lerch Michele da na pert jö y pro la trata sōn le pé lunch de porta, le curan indere ti fej le pulan ala stangia. Püc menüc ala fin é Alex E. che à sōn le pé l'ocajiun de avalié le resultat: sú dan le portier pro chësc le palonët che ne ti gareta indere nia y rōia dlungia ia. Cun chësta ultima ocajiun fej l'arbiter ruvé la partida. Sce an ciara l'andament dl jüch, foss sté le pêr plö co iüst.

Tasten – La Val 1-0

Formaziun La Val: 1. Sepl Kantioler, 2. Marco Sottara, 3. Marco Castlunger, 4. Christian Dapoz, 5. Christian Terza (dal 45^a Michele Campeï), 6. Max Nagler (dal 87^a Felix Nagler), 7. Franz Tolpeit, 8. Daniel Frenes (dal 70^a Egon Frenes), 9. Micky Frenes, 10. Stefan Sottara – capitán, 11. Alex Elzenbaumer

Proscima partida: La Val süga □ duman sabeda dales 16:30 te ciasa cuntra le San Lauränz

Atri resultac:

U13 (La Val): La Val – Obopuschtra Jugend : 1-8

U10 (La Val): La Val – San Laurenz: 3-0

